



**O'ZBEKISTON RESPUBLIKASI SANITARIYA-EPIDEMIOLOGIK OSOYISHTALIK
VA JAMOAT SALOMATLIGI XIZMATINING**

BUYRUG'I

2020 yil. "23" 10 № 1

Toshkent sh.

**Қорақалпоғистон Республикаси, вилоятлар ва Тошкент шаҳар
Санитария-эпидемиологик осойишталик ва жамоат саломатлиги
бошқармалари ҳамда туман (шаҳар) санитария-эпидемиологик
осойишталик ва жамоат саломатлиги бўлимларининг намунавий
нйзомларини тасдиқлаш тўғрисида**

Ўзбекистон Республикаси Президентининг 2020 йил 27 июлдаги
“Ўзбекистон Республикаси санитария-эпидемиологик осойишталик ва жамоат
саломатлиги хизмати фаолиятини ташкил қилиш чора-тадбирлари
тўғрисида”ги 4790-сонли Қарорининг ижроси бўйича **буюраман:**

1. Қорақалпоғистон Республикаси, вилоятлар ва Тошкент шаҳар
Санитария-эпидемиологик осойишталик ва жамоат саломатлиги
бошқармалари тўғрисидаги намунавий низоми 1-иловага мувофиқ;

2. Туман (шаҳар) санитария-эпидемиологик осойишталик ва жамоат
саломатлиги бўлимлари тўғрисидаги намунавий низоми 2-иловага мувофиқ
тасдиқлансин.

3. Мазкур буйруқнинг ижросини назорат қилиш бошлиқнинг биринчи
ўринбосари Х.Норбоев зиммасига юклатилсин.

Бошлиқ

Б.Юсупалиев

Қорақалпоғистон Республикаси, вилоятлар ва Тошкент шаҳар Санитария-
эпидемиологик осойишталик ва жамоат саломатлиги бошқармалари
тўғрисида
НАМУНАВИЙ НИЗОМ

1-боб. Умумий қоидалар

1. Ушбу Низом Қорақалпоғистон Республикаси, вилоятлар ва Тошкент шаҳар санитария-эпидемиологик осойишталик ва жамоат саломатлиги бошқармаларининг (кейинги ўринларда — бошқарма) мақомини, асосий вазифаларини, функцияларини, ҳуқуқлари ва мажбуриятларини белгилайди.

2. Бошқарма ўз фаолиятида Ўзбекистон Республикасининг Конституцияси ва қонунларига, Ўзбекистон Республикаси Олий Мажлиси қарорларига, Ўзбекистон Республикаси Президентининг фармонлари, қарорлари ва фармойишларига, Вазирлар Маҳкамасининг қарорлари ва фармойишларига, Санитария-эпидемиология хизматининг қарорлари, буйруқ ва кўрсатмаларига, шунингдек, ушбу низомга амал қилади.

3. Бошқарма ўз фаолиятида Ўзбекистон Республикаси Санитария-эпидемиологик осойишталик ва жамоат саломатлиги хизмати (кейинги ўринларда - Санитария-эпидемиология хизмати) бўйсилади ва ҳисобот беради.

4. Қорақалпоғистон Республикаси, вилоятлар, Тошкент шаҳар Санитария-эпидемиологик осойишталик ва жамоат саломатлиги бошқармалари юридик шахс ҳисобланиб, Ўзбекистон Республикаси Давлат герби тасвири туширилган ва давлат тилида ўз номи ёзилган муҳрига ва бланкаларига, мустақил балансига, Молия вазирлигида шахсий ғазна ҳисобварақларига, банк ҳисоб рақамларига эга бўлади.

5. Бошқарманинг ўз ваколатлари доирасида қабул қилинган қарорлари маҳаллий ижро этувчи ҳокимият органлари, мулкчилик шаклидан қатъий назар бошқа ташкилотлар ва уларнинг мансабдор шахслари, шу жумладан фуқаролар томонидан бажарилиши мажбурий ҳисобланади.

6. Бошқарманинг расмий номи:

а) давлат тилида:

тўлиқ номи: - Санитария-эпидемиологик осойишталик ва жамоат саломатлиги бошқармаси;

қисқартирилган номи: - Санэпидбошқарма;

б) рус тилида:

тўлиқ номи: - Управление санитарно-эпидемиологического благополучия и общественного здоровья;

қисқартирилган номи — Санэпидуправление;

7. Бошқарманинг жойлашган манзили (почта манзили):
_____, 000000.

2-боб. Бошқарманинг вазифалари ва функциялари

8. Куйидагилар Бошқарманинг асосий вазифалари ҳисобланади:

аҳолининг санитария-эпидемиология осойишталиги соҳасида ҳудудий давлат бошқаруви органлари, корхона ва ташкилотларнинг фаолиятини самарали мувофиқлаштириш ва улар билан ҳамкорлик қилишни таъминлаш;

юридик ва жисмоний шахслар томонидан амалдаги санитария қоидалари, нормалари ва гигиена нормативларига (СанҚваН) риоя қилиниши бўйича белгиланган тартибда текширишлар ўтказиш ва санитария-эпидемиология соҳасида қонун бузилишлар бўйича белгиланган тартибда маъмурий жавобгарлик чораларини қўллаш;

озик-овқат хом ашёси ва истеъмол маҳсулотларини ишлаб чиқариш, ташиш, сақлаш ва сотиш фаолияти билан шуғулланувчи объектлар фаолиятида асосланган меъёр ва стандартлар талабларига риоя қилиниши устидан тасдиқланган методологиялар асосида назорат олиб бориш ва мувофиқлаштириш;

хизматлар кўрсатиш ва маҳсулотлар ишлаб чиқариш хавфсизлигига қўйиладиган соҳага оид мажбурий талаблар бўйича махсус экспертизалар ўтказиш;

юқумли, паразитар, шунингдек юқумли бўлмаган касалликларнинг юзага келиши ва тарқалишини олдини олишга қаратилган эпидемияга қарши ва санитария-гигиеник тадбирларни ташкиллаштириш ва амалга ошириш;

санитария-гигиена, радиацион ва физик омиллар, бактериология, вирусология, паразитология ҳамда ўта хавфли касалликлар лабораториялари фаолиятини йўлга қўйиш;

инсон саломатлигига таъсир этувчи хавфли омиллар бўйича тизимли мониторингларни ташкил қилиш, амалга ошириш, таҳлил қилиш ва тегишли ҳисоботлар юритиш;

юқумли ва паразитар касалликларнинг юзага келиши ва тарқалишини олдини олишга қаратилган ўчоқли дезинфекция, дезинсекция, дератизация тадбирлари ўтказилишини ташкил қилиш, амалга ошириш ва мувофиқлаштириш;

санитария-эпидемиология ва жамоат саломатлигини таъминлаш мақсадида хавф-хатарларни барвақт аниқлашни таъминлаш, баҳолаш ва бартараф этиш учун келиб чиқиши озиқ-овқат билан боғлиқ касалликлар устидан миллий мониторинглар олиб бориш ва мувофиқлаштириш;

ўта хавфли юқумли инфекциялар бўйича эпидемиологик назорат олиб бориш ҳамда профилактик ва эпидемияга қарши комплекс тадбирларини ўтказиш;

турли ижтимоий гуруҳларни қамраб олган ҳолда, соғлом турмуш тарзини шакллантириш учун санитария-гигиеник ўқитишни ташкил этишга қаратилган чора-тадбирларни ўтказиш;

соҳага оид статистик маълумотларни юритиш, тўплаш, таҳлил қилинишига услубий раҳбарлик қилиш, аҳоли саломатлигига салбий таъсир қилувчи омилларни аниқлаш мақсадида зарур текширишлар ва сўровлар ўтказиш;

соҳанинг жорий ва келгусидаги эҳтиёжларини ҳисобга олган ҳолда, кадрларни ўқитиш, қайта тайёрлаш ва малакасини оширишни ташкиллаштириш.

9. Бошқарма ўзига юкланган вазифаларга мувофиқ қуйидаги функцияларни амалга оширади:

а) аҳолининг санитария-эпидемиология осойишталиги соҳасида ҳудудий давлат бошқаруви органлари, корхона ва ташкилотларнинг фаолиятини самарали мувофиқлаштириш ва улар билан ҳамкорлик қилишни таъминлаш соҳасида:

ҳудудий давлат бошқаруви органлари, корхона ва ташкилотлар билан ҳудудларда санитария-эпидемиологик осойишталикни таъминлаш, жумладан карантин, ўта хавфли ва бошқа инфекцияларнинг кириб келиши ва хавфли товарнинг Ўзбекистон Республикаси чегара пунктларидан олиб ўтилишида комплекс чора-тадбирлар амалга оширилишини таъминлайди;

ветеринария хизмати билан касаллик келтириб чиқарувчи манбаларни йўқ қилишга, антропоноз ва зооантропоноз инфекцияли ва паразитар касалликлар тарқалишининг олдини олишга қаратилган фаолиятни амалга оширади;

б) юридик ва жисмоний шахслар томонидан амалдаги санитария қоидалари, нормалари ва гигиена нормативларига (СанҚваН) риоя қилиниши бўйича белгиланган тартибда текширишлар ўтказиш ва санитария-эпидемиология соҳасида қонун бузилишлар бўйича белгиланган тартибда маъмурий жавобгарлик чораларини қўллаш соҳасида:

бошқарма ҳамда бўлимлар томонидан юридик ва жисмоний шахсларнинг амалдаги СанҚваНга риоя қилишлари устидан ўтказилган текширишларни таҳлил қилади ва мувофиқлаштиради;

маҳаллий давлат ҳокимияти органлари, юридик ва жисмоний шахслар томонидан, санитария-эпидемиология соҳаси бўйича норматив-ҳуқуқий ҳужжатлар ижроси устидан белгиланган тартибда лаборатория ва инструментал усуллари қўллаган ҳолда давлат санитария-эпидемиология назоратини (кейинги ўринларда-назорат) амалга оширади;

аҳолига тиббий хизматларни кўрсатиш бўйича фаолиятни амалга оширувчи тадбиркорлик субъектларида текширувлар ўтказади;

назоратдаги объектларнинг ишчи-ҳодимларини мажбурий, дастлабки ва даврий тиббий кўриклардан ўтказиш тартиби ва даврийлигига риоя этилишини таҳлил қилиб боради;

назорат объектларида ўткир ва сурункали касб касалликларининг келиб чиқиш ҳолатлари устидан назорат қилади;

юридик ва жисмоний шахслар томонидан умумий овқатланиш объектларида рационал ва хавфсиз овқатланишини ташкил этилиши устидан

санитария қоидалари, нормалари ва гигиена нормативларнинг бажарилишини назорат қилади;

юридик ва жисмоний шахслар томонидан ионлаштирувчи ва ионлаштирмайдиган нурланиш, шовкин, тебраниш ва инсон саломатлиги ҳамда атроф-муҳитга салбий таъсир кўрсатадиган бошқа физик омиллар билан ишлашда санитария қоидалари, нормалари ва гигиена нормативларига риоя этилишини назорат қилади;

юридик ва жисмоний шахслар томонидан санитария-эпидемиология соҳасидаги қонун ҳужжатлари талабларига риоя этилиши тўғрисидаги маълумотларни расмий веб-сайтида ва оммавий ахборот воситаларида ёритади;

в) озиқ-овқат хом ашёси ва истеъмол маҳсулотларини ишлаб чиқариш, ташиш, сақлаш ва сотиш фаолияти билан шуғулланувчи объектлар фаолиятида асосланган меъёр ва стандартлар талабларига риоя қилиниши устидан тасдиқланган методологиялар асосида назорат олиб бориш ва мувофиқлаштириш соҳасида:

озиқ-овқат маҳсулотларини ишлаб чиқариш, ташиш, сақлаш ва сотиш жараёнларидаги санитария-эпидемиологик ҳолатларни назорат қилади ва маҳсулотларнинг хавфлилик даражаларини мезонлари бўйича таснифлайди;

озиқ-овқат маҳсулотларидан заҳарланиш ҳолатлари бўйича эпидемиологик суриштирувлар ўтказди ва бу ҳақда белгиланган тартиб бўйича хабар беради ва тарқалиб кетишини олдини олишга қаратилган эпидемияга қарши ва санитария-гигиеник тадбирларни ўтказди;

г) хизматлар кўрсатиш ва маҳсулотлар ишлаб чиқариш хавфсизлигига қўйиладиган соҳага оид мажбурий талаблар бўйича махсус экспертизалар ўтказиш соҳасида:

ҳуқуқ-тартибот органлари сўровлари асосида хизматлар ва маҳсулотларнинг хавфсизлиги бўйича тегишли экспертизалар ўтказди.

д) юқумли, паразитар, шунингдек юқумли бўлмаган касалликларнинг юзага келиши ва тарқалишини олдини олишга қаратилган эпидемияга қарши ва санитария-гигиеник тадбирларни ташкиллаштириш ва амалга ошириш соҳасида:

худудларга карантин ва ўта хавфли, юқумли ва паразитар касалликларнинг кириб келиши ва тарқалишининг олдини олиш бўйича санитария-гигиеник ва эпидемияга қарши чора-тадбирларни ўтказди ва назорат қилади;

юқумли касалликларнинг иммуно-профилактикаси соҳасида аҳоли орасида ўтказиладиган профилактик эмлашларнинг муддатлари, сифати ва самарадорлигини назорат ва таҳлил қилади;

юқумли ва паразитар касалликлар ўчоқларида суриштирув ишларини ташкил этади, санитария-гигиенага оид ва эпидемияга қарши чора-тадбирларни амалга оширилиши устидан назорат қилади;

эмлашда ишлатиладиган вакциналарга бўлган эҳтиёжни аниқлайди, олиб келиш жойларга етказишда музлаткич занжирига риоя қилишни ва хавфсиз иммунизацияни ташкиллаштиради;

бошқарилувчи юқумли касалликлар бўйча эпидемиологик назорат олиб бориш, полиомиелит ва қизамиқ бўйча озод ҳудуд статусини ушлаб туриш ҳамда профилактик режали, мавсумий ва эпидемияга қарши чора тадбирларни ўтказди;

профилактик режали, мавсумий ва эпидемиологик кўрсатма асосида ишлатиладиган вакциналар билан таъминлаш бўйича буюртмалар тайёрлайди ва таъминлайди;

аҳоли яшаш пунктларини ривожлантириш ва ер участкалари ажратиш бўйича лойиҳа материалларини, хўжалик ва саноат объектларини қуриш ва реконструкция қилиш лойиҳаларини кўриб чиқишда ва ҳулоса беришда иштирок этади;

объектларни лойиҳалаштириш, қуриш ва реконструкция қилишда, корхоналарни техник ва технологик жиҳатдан қайта жиҳозлашда, хавфли кимёвий, радиоактив моддалар, биологик воситалар ва материалларга тегишли гигиеник ҳулосалар беради;

инсон саломатлиги ва атмосфера ҳавоси учун зарарли физик омиллар орқали таъсир кўрсатувчи объектларнинг рўйхатини ва ҳисобини олиб боради;

е) лабораториялар фаолиятини йўлга қўйиш соҳасида:

юридик ва жисмоний шахслар томонидан СанҚвН роя қилиниши бўйича санитария-гигиена, радиацион, физик омиллар, бактериология, вирусология, паразитология ва ўта хавфли касалликлар лабораторияларида олинган (келтирилган) намуналарда таҳлилий текширишлар ўтказди;

лаборатория таҳлиллари олиб бориш учун диагностика, фаглар, тест системалар ва бошқа воситалари билан таъминлаш бўйича буюртмалар тайёрлайди ва таъминлайди;

ташқи муҳит объектларидаги инсон соғлиғига таъсир қилувчи омиллар бўйича таҳлилдан ўтказди;

бактериологик, вирусологик, паразитологик ва бошқа ўта хавфли касалликларнинг қўзғатувчиларини аниқлаш бўйича таҳлиллар олиб боради.

ж) инсон саломатлигига таъсир этувчи хавфли омиллар бўйича тизимли мониторингларни ташкил қилиш, амалга ошириш, таҳлил қилиш ва тегишли ҳисоботлар юритиш соҳасида:

инсон саломатлигига таъсир этувчи хавфли омилларни аниқлайди, тизимли мониторинглар олиб боришни ташкил қилади ва амалга оширади;

ўтказилган мониторинглар натижаларини таҳлил қилади ҳамда умумлаштирилган ҳисобот юритади;

з) юқумли ва паразитар касалликларнинг юзага келиши ва тарқалишини олдини олишга қаратилган ўчоқли дезинфекция, дезинсекция, дератизация тадбирлари ўтказилишини ташкил қилиш, амалга ошириш ва мувофиқлаштириш соҳасида:

юқумли ва паразитар касалликларнинг юзага келишини олдини олишга ва камайтиришга, уларнинг юқиш йўллари ва омилларига таъсир кўрсатишга, шунингдек техноген тусдаги фавқулодда вазиятлар билан боғлиқ бўлган эпидемиологик асоратлар оқибатларини тугатишга қаратилган ўчоқли

дезинфекция, дезинсекция, дератизация тадбирлар ўтказилишини ташкил этади ва ўтказди;

ўчоқли дезинфекция, дезинсекция, дератизация тадбирлар ўтказилиш бўйича воситалар билан таъминлайди;

и) санитария-эпидемиология ва жамоат саломатлигини таъминлаш мақсадида хавф-хатарларни барвақт аниқлашни таъминлаш, баҳолаш ва бартараф этиш учун келиб чиқиши озиқ-овқат билан боғлиқ касалликлар устидан миллий мониторинглар олиб бориш ва мувофиқлаштириш соҳасида:

аҳолининг турли гуруҳлари бўйича овқатланиш меъёр ва кўрсаткичларини баҳолайди, аҳолининг овқатланиш сифати билан боғлиқ бўлган саломатлик ҳолатини ўрганади;

нотўғри овқатланиш билан боғлиқ касалликларнинг олдини олиш тадбирларини ўтказди, аҳолининг соғлом турмуш тарзи бўйича оммавий ахборот воситаларидан фойдаланган ҳолда кенг тарғибот ишларини ташкил қилади ва ўтказди;

тиббиёт муассасалари ва уюшган болалар таълим объектларида рационал овқатланиш ҳолатларини ўрганади ва мувофиқлаштиради;

маҳаллий ишлаб чиқариладиган ва хориждан келтириладиган озиқ-овқат маҳсулотлари ва озиқ-овқат хом ашёсининг санитария-эпидемиологик хавфсизлигини назорат қилади ;

озиқ-овқат маҳсулотлари билан боғлиқ бўлган касалликларни олдини олиш мақсадида озиқ-овқат маҳсулотларини ишлаб чиқиш, сақлаш, ташиш ва савдоси бўйича ўрнатилган тартибда назорат қилади;

оммавий овқатдан заҳарланиш ва озиқ-овқат маҳсулотлари орқали юзага келадиган юқумли касалликларни рўйхатга олиш бўйича электрон маълумотлар юритади, уларни эрта аниқлаш ва хавфларни бартараф этиш чоралари кўради;

к) ўта хавфли юқумли инфекциялар бўйича эпидемиологик назорат олиб бориш ҳамда профилактик ва эпидемияга қарши комплекс тадбирларини ўтказиш соҳасида:

ўта хавфли юқумли инфекциялар бўйича эпидемиологик суриштирувлар олиб боради ҳамда санитария-гигиеник ва эпидемияга қарши тадбирлар ўтказди;

аҳолини карантин ва ўта хавфли касалликлар эпидемияларидан муҳофаза қилиш масалалари бўйича белгиланган тартибда назорат олиб боради.

л) турли ижтимоий гуруҳларни қамраб олган ҳолда, соғлом турмуш тарзини шакллантириш учун санитария-гигиеник ўқитишни ташкил этишга қаратилган чора-тадбирларни ўтказиш соҳасида:

фуқароларни гигиенага оид ўқитиш ва тарбиялаш борасида замонавий ахборот-коммуникация технологияларидан фойдаланади;

фаолияти озиқ-овқат хом ашёси, озиқ-овқат маҳсулотлари, ичимлик суви ва кимёвий моддаларни ишлаб чиқариш, сақлаш, ташиш ва сотиш, аҳолига маиший ва коммунал хизмат кўрсатиш билан боғлиқ бўлган ходимларни, шунингдек, тиббиёт, таълим ташкилотлари ходимларини ишга

қўйишдан олдин ва иш фаолияти давомида тўлов-контракт асосида санитария-гигиена бўйича таълим берилишини ташкил қилади ва амалга оширади;

соғлом турмуш тарзини тарғиб қилиш ва аҳолининг санитария бўйича саводхонлигини ошириш мақсадида махсус материаллар ва дастурлар асосида оммавий ахборот воситаларида чиқишлар ва бошқа тарғибот ишларини ўтказиши.

м) соҳага оид статистик маълумотларни юритиш, тўплаш, таҳлил қилинишига услубий раҳбарлик қилиш, аҳоли саломатлигига салбий таъсир қилувчи омилларни аниқлаш мақсадида зарур текширишлар ва сўровлар ўтказиш соҳасида:

бошқарма ва бўлимлар фаолиятга боғлиқ барча статистик маълумотларни тўплайди, умумлаштиради ва таҳлил қилади ҳамда белгиланган муддатларда санитария-эпидемиология хизматига тақдим этади;

аҳолининг саломатлик ҳолатига салбий таъсир кўрсатувчи омилларни аниқлаш мақсадида зарур текширишлар ва сўровлар ўтказиши.

н) соҳанинг жорий ва келгусидаги эҳтиёжларини ҳисобга олган ҳолда, кадрларни ўқитиш, қайта тайёрлаш ва малакасини оширишни ташкиллаштириш соҳасида:

бошқарма ва бўлимларнинг мутахассисларини ўқитиш, қайта тайёрлаш ва малакасини оширишни режалаштиради ва ўрнатилган тартибда ташкиллаштиради;

бошқарма ва бўлимларда кадрлар захирасини шакллантиради;

санитария-эпидемиология ва жамоат саломатлиги соҳасидаги қонун ҳужжатларига мувофиқ равишда бошқа вазифаларни ҳам амалга ошириши мумкин.

3-боб. Бошқарманинг ҳуқуқлари ва жавобгарлиги

10. Бошқарма ўзига юкланган вазифалар ва функцияларни бажариш учун қуйидаги ҳуқуқларга эгадир:

давлат органлари ва бошқа ташкилотлар фаолиятида санитария-эпидемиология соҳасидаги қонунчилик* талабларига риоя этилишини ўрганиш;

давлат органлари ва бошқа ташкилотлар раҳбарларига санитария-эпидемиология соҳасида аниқланган ҳуқуқбузарликлар, уларга имкон берувчи омиллар ва шарт-шароитларни бартараф этиш ҳақида кўриб чиқиши мажбурий бўлган тақдимномалар киритиш;

санитария-эпидемиология соҳасидаги қонун ҳужжатларининг бузилишига йўл қўймаслик ҳақида мансабдор шахсларни ёзма равишда огоҳлантириш;

юрidik ва жисмоний шахсларга объектларда йўл қўйилган ҳуқуқбузарликларни бартараф қилиш учун (олтмиш кундан ортиқ бўлмаган муддат ичида) мажбурий бўлган кўрсатмалар бериш;

карантинли ва инсон учун хавфли бўлган бошқа юқумли касалликлар пайдо бўлиши ҳамда тарқалиши шароитида эпидемияга қарши курашиш

қоидаларини бузишга оид ҳуқуқбузарлик содир этган шахсларга нисбатан тегишли асосли равишда карантинда сақлаш ёки даволаниш тарзидаги тиббий йўсиндаги мажбурлов чорасини қўллаш;

юқумли ва паразитар касалликлар тарқалишининг олдини олиш мақсадида, хўжалик ва бошқа фаолиятларнинг алоҳида тартибини, аҳоли, транспорт воситалари, юклар ва (ёки) товарлар ҳаракатланишининг чекланишини назарда тутадиган карантин чора-тадбирларини амалга ошириш;

инсон ҳаёти ва саломатлиги учун жиддий хавф туғдирувчи юқумли касалликлар тарқалиши ёхуд техноген ёки табиий хусусиятга эга ҳалокатлар содир бўлишининг реал хавфи вужудга келганда мулкчилик шаклидан қатъий назар объектларда мақсадли текширишлар ўтказиш;

фавқулодда вазиятларда, эпидемиялар ҳамда аҳолининг ҳаёти ва соғлиғи учун бошқа ҳақиқий хавф юзага келганда, оммавий заҳарланиш ва гуруҳли касалликлар қайд этилганда (даволаш муассасаси хабари, жисмоний ва юридик шахсларнинг мурожаатлари ва бошқа ҳолларда) қонун ҳужжатларида белгиланган тартибда тадбиркорлик субъектлари фаолиятида текширувлар ўтказиш;

озик-овқат хом ашёси ва истеъмол маҳсулотларини ишлаб чиқариш, ташиш, сақлаш ва сотиш фаолияти устидан инспекцион назорат ўтказиш;

давлат органлари ва мансабдор шахслардан бошқармага юкланган вазифалар ва функцияларни бажариш учун зарур бўлган ҳужжатлар ва ахборотларни, шу жумладан статистик маълумотларни сўраш ва бепул олиш;

ўрнатилган тартибда тасдиқланган рўйхат ва тарифларга мувофиқ пуллик хизматлар кўрсатиш;

ўз ваколати доирасида конференциялар, семинарлар ўтказиш ҳамда бошқа ташкилотлар томонидан ташкил этилаётган шундай тадбирларда иштирок этиш;

санитария-эпидемиология масалалари соҳасида жисмоний ва юридик шахсларнинг мурожаатларини кўриб чиқиш;

санитария-эпидемиология хизматида тааллуқли масалаларни кўриб чиқишда Ҳайъат йиғилишларида иштирок этиш;

бошқарма ходимларини ижтимоий ҳимоя қилиш бўйича тегишли чора-тадбирларни амалга ошириш;

қонун ҳужжатларига мувофиқ бошқа ҳуқуқларга ҳам эга бўлиши мумкин.

11. Бошқарма:

санитария-эпидемиология ва жамоат саломатлиги соҳасида давлат сиёсатининг самарали амалга оширилиши;

юкланган вазифалар ва функцияларнинг ўз вақтида ҳамда тўлиқ бажарилиши;

Бошқарма ва тегишли бўлимларнинг Санитария-эпидемиология хизмати фаолияти билан боғлиқ прогноз кўрсаткичларга эришишни таъминлаш ишларининг ташкил этилиши;

санитария-эпидемиология ва жамоат саломатлиги соҳасини ривожлантириш бўйича ишлаб чиқилган дастурлар, иш режалари, тадбирлар,

йўл хариталари ва бошқа дастурий ҳужжатларнинг амалга оширилиши бўйича жавобгар ҳисобланади.

4-боб. Бошқарма фаолиятини ташкил этиш

1-§. Бошқарманинг фаолиятини ташкил этиш

12. Бошқармага Санитария-эпидемиология хизмати бошлиғи - Ўзбекистон Республикаси Бош давлат санитария врачлари томонидан лавозимга тайинланган ва лавозимдан озод қилинадиган Бошқарма бошлиғи (бир вақтда Бош давлат санитария врачлари) раҳбарлик қилади.

13. Бошқарма бошлиғининг ўринбосарлари Ўзбекистон Республикаси Бош давлат санитария врачлари билан келишилган ҳолда Бошқарма бошлиғи томонидан лавозимга тайинланади ва лавозимдан озод этилади.

2-§. Бошқарма раҳбарларининг функционал мажбуриятлари

14. Санитария-эпидемиология хизматига юкланган вазифаларга мувофиқ Бошқарма раҳбарлари қуйидаги функционал мажбуриятларни бажаради:

а) бошқарма бошлиғи:

Ўзбекистон Республикаси Конституцияси ва қонунлари, шунингдек, бошқа норматив-ҳуқуқий ҳужжатлар талабларига риоя этади;

Бошқарма бошлиғининг ўринбосарлари ва бўлим бошлиқларининг фаолият йўналишлари ва участкаларига раҳбарлик қилиш бўйича ваколатларини ва шахсий жавобгарлиги даражасини белгилайди;

ўз ваколатлари доирасида бошқарма ходимлари ва туман (шаҳар) бўлимлари учун бажарилиши мажбурий бўлган буйруқлар чиқаради ва кўрсатмалар беради;

белгиланган тартибда ишга қабул қилиш ва бошқарма ходимлари билан тузилган меҳнат шартномаларини бекор қилиш ишларини амалга оширади, шунингдек, уларнинг самарали меҳнат қилишлари учун зарур шарт-шароитларни яратади ва кадрлар захирасини шакллантиради;

бошқарма ходимларининг лавозим йўриқномалари ва бўлимларнинг низомини тасдиқлайди;

«Жисмоний ва юридик шахсларнинг мурожаатлари тўғрисида»ги Қонунга мувофиқ жисмоний ва юридик шахслардан тушган мурожаатларни ўз вақтида кўриб чиқилишини таъминлайди;

Бошқарма ўзининг «Махсус жамғарма»сини (кейинги ўринларда — Жамғарма) ташкил этади ва унинг фаолияти учун жавоб беради;

Бошқарма ва бўлимлар фаолиятини режалаштиради, иш режаларини тасдиқлайди ва уларнинг бажарилиши устидан назоратни таъминлайди;

қонунчиликка мувофиқ бошқа ваколатларни амалга оширади;

б) Бошқарма бошлиғининг ўринбосарлари:

Бошқармага юкланган вазифаларни бажаришда тегишлилиги бўйича бошқарма ва бўлимлар фаолиятини мувофиқлаштиради ва кўрсатмалар беради;

ўзининг бўйсинувидаги бўлинмалар фаолиятига бевосита раҳбарликни амалга оширади;

Бошқарма бошлиғига мавжуд лавозимларга номзодлар киритади;

ўзининг бўйсинувидаги бўлинмалар мутахассисларини қайта тайёрлаш, малакасини ошириш, рағбатлантириш ёки интизомий жазо чораларини қўллаш тўғрисидаги таклифларни киритади;

3-§. Бошқарма раҳбарларининг жавобгарлиги

15. Бошқарма бошлиғи:

ушбу низом ҳамда бошқа қонун ҳужжатлари билан ўзига юкланган вазифаларни сифатли ва ўз вақтида бажарилиши, шунингдек, бошқарма ва бўлимлар ишидаги камчиликларни бартараф этиш бўйича чора-тадбирлар кўрилиши;

амалга оширилаётган дастурлар, стратегиялар ва концепциялар бўйича кутилган натижаларга эришилиши;

жамоа томонидан ижро интизомига тўлиқ риоя этилиши учун жавоб беради.

16. Бошқарма бошлиғининг ўринбосарлари:

тегишли йўналишлар бўйича топшириқларни ўз вақтида ва тўлақонли бажарилиши;

раҳбарлиги йўналишлари бўйича юклатилган вазифаларнинг ижросини таъминлаш учун кўрилаётган чора-тадбирларнинг самарадорлиги ва натижадорлиги учун жавоб берадилар.

4-§. Бошқарманинг бошқа ҳудудий бошқармалар, идоралар, маҳаллий давлат ҳокимияти органлари ва бошқа ташкилотлар билан ўзаро ҳамкорлиги

17. Бошқарма ўзига юкланган вазифа ва функцияларни бевосита ҳудудий Соғлиқни сақлаш бошқармаси ва униинг таркибий бўлинмалари билан ҳамкорликда амалга оширади.

18. Бошқарма маъмурий ҳудудда содир бўладиган турли эпидемик ва техноган ҳолатларда тегишли чора-тадбирларни амалга оширилишида маҳаллий давлат ҳокимияти органлари, бошқармалар, идоралар ва ташкилотлар билан ўзаро ҳамкорлик қилади.

5-§. Бошқарманинг Санитария-эпидемиология кенгаши

19. Ҳудудда Санитария-эпидемиология соҳасидаги муаммолар, вазифалар ва олиб борилаётган тадбирларнинг натижалари ва бошқа муҳим масалаларини муҳокама қилиб, тегишли чоралар белгилаб бориш мақсадида

бошқармада бошқарма бошлиғи раҳбарлигида Санитария-эпидемиология кенгаши ташкил этилади.

Санитария-эпидемиология кенгаши низоми, аъзолар сони ва шахсий таркиби бошқарма бошлиғи томонидан тасдиқланади.

5-боб. Бошқарма фаолиятининг самарадорлиги ва натижадорлигини баҳолаш мезонлари

20. Бошқарма томонидан ҳудудий бўлимлар фаолиятининг самарадорлиги ва натижадорлиги Вазирлар Маҳкамаси томонидан тасдиқланган фаолият самарадорлиги ва натижадорлигини баҳолаш мезонлари ва иш индикаторлари асосида мунтазам баҳоланиб борилади.

бўлимларнинг фаолият самарадорлиги ва натижадорлигини баҳолаш якунлари бўйича раҳбар ва ходимларни рағбатлантириш (мукофотлаш) ёки интизомий чоралар қўллаш, аниқланган камчиликларни бартараф этиш чоратadbирлари қўрилади.

6-боб. Бошқармани молиялаштириш ва моддий-техника базасини таъминлаш, ходимларнинг меҳнатига ҳақ тўлаш, моддий рағбатлантириш ва ижтимоий ҳимоя қилиш

21. Бошқармани молиялаштириш ва моддий-техник таъминлаш, шу жумладан ходимларининг меҳнатига ҳақ тўлаш Давлат бюджети ва қонун ҳужжатларида тақиқланмаган бошқа манбалар ҳисобига амалга оширилади.

22. Қуйидагилар қўшимча маблағларини шакллантириш манбалари этиб белгиланади:

фаолият тури бўйича товарлар (ишлар, хизматлар) ишлаб чиқариш ва сотишдан;

бюджет ташкилотлари томонидан вақтинча фойдаланилмаётган биноларни ва давлатнинг бошқа мол-мулкани бошқа ташкилотларга ижарага беришдан;

юридик ва жисмоний шахслар томонидан бюджет ташкилотларига ҳомийлик (беғараз) ёрдами берилишидан қўшимча даромадлар;

қонун ҳужжатлари билан тақиқланмаган бошқа манбалар ҳисобидан шакллантирилади.

23. Қўшимча маблағларидан қуйидаги мақсадларда фойдаланилади:

Бошқарма ходимларини моддий рағбатлантириш ва ижтимоий таъминлаш, шу жумладан уй-жойни ижарага олиш билан боғлиқ харажатларни қоплаш, шунингдек, ходимларни қайта тайёрлаш ва малакасини оширишни ташкил этиш;

бошқарманинг фармойиш бериш ва бошқариш функцияларини амалга ошириш билан боғлиқ харажатларини қоплаш;

бошқарманинг моддий-техника базасини мустаҳкамлаш.

24. Бошқарма ходимларининг иш ҳақи лавозим маошидан, кўп йил хизмат қилганлиги учун устама ҳақлардан, дам олиш ва байрам кунлари учун

тўловлар, бошқа устама, қўшимча ҳақлар ва қонунда назарда тутилган бошқа тўловлардан иборат бўлади.

7-боб. Бошқарманинг ҳисобдорлиги

25. Бошқарма тизимли равишда ўзининг фаолияти бўйича Санитария-эпидемиология хизматига ойлик, чораклик ва йиллик ҳисоботлар беради.

26. Бошқарма бошлиғи бошқарма ходимлари ва бўлим раҳбарларига юкланган вазифаларнинг тўлақонли бажарилиши бўйича уларнинг фаолияти юзасидан мунтазам мониторинг олиб боради ва ҳолисона баҳо беради.

мониторинг ва баҳолаш яқунлари бўйича алоҳида ўрнатилган кўрсаткичлар раҳбарлар ва ходимлар рағбатлантирилади ёхуд йўл қўйилган камчиликлар учун эгаллаб турган лавозимидан озод этишгача бўлган интизомий чоралар қўллаиди.

8-боб. Яқунловчи қоидалар

27. Ушбу низом талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

Туман (шаҳар) санитария-эпидемиологик осойишталик ва жамоат
саломатлиги бўлимлари тўғрисида
НАМУНАВИЙ НИЗОМ

1-боб. Умумий қоидалар

1. Ушбу Низом туман (шаҳар) санитария-эпидемиологик осойишталик ва жамоат саломатлиги бўлимлари (кейинги ўринларда — бўлим) мақомини, асосий вазифаларини, функцияларини, ҳуқуқларини ва мажбуриятларини белгилайди.

2. Бўлим ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Вазирлар Маҳкамасининг қарорлари ва фармойишларига, Санитария-эпидемиология хизмати ҳамда бошқарма қарорлари, буйруқ ва кўрсатмаларига шунингдек, ушбу низомга амал қилади.

3. Бўлим ўз фаолиятида санитария-эпидемиологик осойишталик ва жамоат саломатлиги бошқармасига (кейинги ўринларда - бошқарма) бўйсинади ва ҳисобот беради.

4. Туман (шаҳар) санитария-эпидемиологик осойишталик ва жамоат саломатлиги бўлимлари юридик шахс ҳисобланиб, Ўзбекистон Республикаси Давлат герби тасвири туширилган ва ўз номи давлат тилида ёзилган муҳрга ва бланкаларга, мустақил балансга, Молия вазирлигида шахсий ғазна ҳисобварақларига, банк ҳисоб рақамларига эга бўлади.

5. Бўлим ўз ваколатлари доирасида қабул қилинган қарорлари маҳаллий ижро этувчи ҳокимият органлари, мулкчилик шаклидан қатъий назар бошқа ташкилотлар ва уларнинг мансабдор шахслари, шу жумладан фуқаролар томонидан бажарилиши мажбурий ҳисобланади.

6. Бўлимнинг расмий номи:

а) давлат тилида:

тўлиқ номи — Санитария-эпидемиологик осойишталик ва жамоат саломатлиги бўлими;

қисқартирилган номи — Санэпидбўлим;

б) рус тилида:

тўлиқ номи — Отдел санитарно-эпидемиологического благополучия и общественного здоровья;

қисқартирилган номи — Санэпидотдел;

7. Бўлимнинг жойлашган манзили (почта манзили):
_____, 000000.

2-боб. Бўлимларнинг вазифалари ва функциялари

8. Қуйидагилар бўлимнинг вазифалари ҳисобланади:

аҳолининг санитария-эпидемиология осойишталиги соҳасида ҳудудий давлат бошқаруви органлари, корхона ва ташкилотларнинг фаолиятини мувофиқлаштириш ва улар билан ҳамкорлик қилишни таъминлаш;

юримдик ва жисмоний шахслар томонидан амалдаги санитария қоидалари, нормалари ва гигиена нормативларига (СанҚваН) риоя қилиниши бўйича белгиланган тартибда текширишлар ўтказиш ва санитария-эпидемиология соҳасида қонун бузилишлар бўйича белгиланган тартибда маъмурий жавобгарлик чораларини қўллаш;

озик-овқат хом ашёси ва истеъмол маҳсулотларини ишлаб чиқариш, ташиш, сақлаш ва сотиш фаолияти билан шуғулланувчи объектлар фаолиятида асосланган меъёр ва стандартлар талабларига риоя қилиниши устидан тасдиқланган методологиялар асосида назорат олиб бориш;

юқумли, паразитар, шунингдек юқумли бўлмаган касалликларнинг юзага келиши ва тарқалишини олдини олишга қаратилган эпидемияга қарши ва санитария-гигиеник тадбирларни ташкиллаштириш ва амалга ошириш;

санитария-гигиена, бактериология ва паразитология лабораториялари фаолиятини йўлга қўйиш;

инсон саломатлигига таъсир этувчи хавфли омиллар бўйича тизимли мониторингларни ташкил қилиш, амалга ошириш, таҳлил қилиш ва тегишли ҳисоботлар юритиш;

юқумли ва паразитар касалликларнинг юзага келиши ва тарқалишини олдини олишга қаратилган ўчоқли дезинфекция, дезинсекция, дератизация тадбирлари ўтказилишини ташкил қилиш ва амалга ошириш;

санитария-эпидемиология ва жамоат саломатлигини таъминлаш мақсадида хавф-хатарларни барвақт аниқлашни таъминлаш, баҳолаш ва бартараф этиш учун келиб чиқиши озиқ-овқат билан боғлиқ касалликлар устидан миллий мониторинглар олиб бориш;

ўта хавфли юқумли инфекциялар бўйича эпидемиологик назорат олиб бориш ҳамда профилактик ва эпидемияга қарши комплекс тадбирларини ўтказиш;

турли ижтимоий гуруҳларни қамраб олган ҳолда, соғлом турмуш тарзини шакллантириш учун санитария-гигиеник ўқитишни ташкил этишга қаратилган чора-тадбирларни ўтказиш;

соҳага оид статистик маълумотларни юритиш, тўплаш, таҳлил қилиш, аҳоли саломатлигига салбий таъсир қилувчи омилларни аниқлаш мақсадида зарур текширишлар ва сўровлар ўтказиш

9. Санитария-эпидемиология хизмати ўзига юкланган вазифаларга мувофиқ қуйидаги функцияларни амалга оширади:

а) аҳолининг санитария-эпидемиология соҳасида давлат ва хўжалик бошқаруви органларининг фаолиятини самарали мувофиқлаштириш ва улар билан ҳамкорлик қилишни таъминлаш соҳасида:

ташкilot ва корхоналар билан худудида санитария-эпидемиология осойишталикни таъминлаш, шу жумладан карантин, ўта хавфли ва бошқа инфекцияларни, аҳоли учун ўта хавфли бўлган товар ва юклар Ўзбекистон Республикаси чегарасидаги ўтказиш пунктларидан олиб кирилиши, олиб ўтилиши ва тарқатилишининг олдини олиш борасидаги комплекс чоратadbирлар амалга оширилишини ташкил этади;

ветеринария хизмати билан бирга касаллик келтириб чиқарувчи манбаларни йўқ қилишга, антропоноз ва зооантропоноз инфекцияли ва паразитар касалликлар тарқалишининг олдини олишга қаратилган фаолиятни амалга оширади;

б) юридик ва жисмоний шахслар томонидан санитария қоидалари, нормалари ва гигиена нормативларига (СанҚваН) риоя қилиниши бўйича белгиланган тартибда текширишлар ўтказиш ва санитария-эпидемиология соҳасида қонун бузилишлар бўйича маъмурий жавобгарлик чораларини белгиланган тартибда қўллаш соҳасида:

белгиланган тартибда маҳаллий давлат ҳокимияти органлари, юридик ва жисмоний шахслар томонидан, санитария-эпидемиология соҳасидаги норматив-ҳуқуқий ҳужжатлар ижроси устидан белгиланган тартибда давлат санитария-эпидемиология назоратини (кейинги ўринларда — назорат) лаборатория ва инструментал тадқиқот усуллари қўллаган ҳолда амалга оширади;

озик-овқат хом ашёси ва озиқ-овқат маҳсулотларини ишлаб чиқариш, ташиш, сақлаш ва реализация қилиш бўйича фаолиятни амалга оширувчи, шу жумладан умумий овқатланиш соҳасида фаолиятни амалга оширувчи тадбиркорлик субъектларида текширувлар ўтказади;

истеъмолчиларни водопровод суви билан таъминлайдиган, оқова сувларни чиқариб ташлайдиган хўжалик юритувчи субъектларда текширувлар ўтказади;

қонун ҳужжатларига кўра ходимлари тиббий кўрикдан ўтиши лозим бўлган савдо ва аҳолига хизмат кўрсатиш билан шуғулланадиган, шу жумладан сартарошхона ва косметология хизматларини кўрсатувчи тадбиркорлик субъектларида текширувлар ўтказади;

аҳолига диагностика, даволаш-профилактика хизматларни кўрсатиш бўйича фаолиятни амалга оширувчи тадбиркорлик субъектларида текширувлар ўтказади;

аҳолига тиббий хизматларни кўрсатиш бўйича фаолиятни амалга оширувчи тадбиркорлик субъектларида текширувлар ўтказади;

назоратдаги объектлар ишчи-ходимларини мажбурий, дастлабки ва даврий тиббий кўрикларни ўтказиш тартиби ва даврийлигини ҳамда тиббий ташкилотлар томонидан тиббий кўрикдан ўтказилишининг тўлиқлигини назорат қилади;

юридик ва жисмоний шахслар томонидан умумий овқатланиш объектларида рационал ва хавфсиз овқатланишини ташкил этилиши устидан санитария қоидалари, нормалари ва гигиена нормативларнинг бажарилишини назорат қилади;

юридик ва жисмоний шахслар томонидан ионлаштирмайдиган нурланиш, шовкин, тебраниш ва инсон саломатлиги ҳамда атроф-муҳитга салбий таъсир кўрсатадиган бошқа физик омиллар билан ишлашда санитария қоидалари, нормалари ва гигиена нормативларига риоя этилишини назорат қилади;

назорат объектларида ўткир ва сурункали касб касалликларини келиб чиқиши ҳолатлари устидан назорат қилади;

юқумли ва паразитар касалликлар манбаи бўлган, шунингдек, тиббий кўриклардан ўз вақтида ўтмаган шахсларни вақтинча ишдан четлаштириш тўғрисида иш берувчиларга тақдимнома киритади;

юридик ва жисмоний шахслар томонидан санитария-эпидемиология соҳасидаги қонун ҳужжатлари талабларига риоя этилиши тўғрисидаги маълумотларни Санитария-эпидемиология хизматининг расмий веб-сайтида ва оммавий ахборот воситаларида ёритади;

в) озиқ-овқат хом ашёси ва истеъмол маҳсулотларини ишлаб чиқариш, ташиш, сақлаш ва сотиш фаолияти билан шугулланувчи объектлар фаолиятида асосланган меъёр ва стандартлар талабларига риоя қилиниши устидан тасдиқланган методологиялар асосида назорат олиб бориш соҳасида:

озиқ-овқат маҳсулотларини ишлаб чиқариш, ташиш, сақлаш ва сотиш жараёнларидаги санитария-эпидемиологик ҳолатларни назорат қилади ва маҳсулотларнинг хавфлилик даражаларини мезонлари бўйича таснифлайди;

озиқ-овқат маҳсулотларидан заҳарланиш ҳолатлари бўйича эпидемиологик суриштирувлар ўтказди ва бу ҳақда белгиланган тартиб бўйича хабар беради ва тарқалиб кетишини олдини олишга қаратилган эпидемияга қарши ва санитария-гигиеник тадбирларни ўтказди;

г) юқумли, паразитар, шунингдек юқумли бўлмаган касалликларнинг юзага келиши ва тарқалишини олдини олишга қаратилган эпидемияга қарши ва санитария-гигиеник тадбирларни ташкиллаштириш ва амалга ошириш соҳасида:

худудларга карантин ва ўта хавфли, юқумли ва паразитар касалликларнинг кириб келиши ва тарқалишининг олдини олиш бўйича санитария-гигиеник ва эпидемияга қарши чора-тадбирларни ўтказди;

юқумли касалликларнинг иммуно-профилактикаси соҳасида аҳоли орасида ўтказиладиган профилактик эмлашларнинг муддатлари, сифати ва самарадорлигини назорат ва таҳлил қилади;

юқумли ва паразитар касалликлар ўчоқларида суриштирув ишларини ўтказди, санитария-гигиенага оид ва эпидемияга қарши чора-тадбирларни амалга оширилиши устидан назорат қилади;

аҳоли яшаш пунктларини ривожлантириш ва ер участкалари ажратиш бўйича лойиҳа материалларини, хўжалик ва саноат объектларини қуриш ва реконструкция қилиш лойиҳаларини кўриб чиқишда ва хулоса беришда иштирок этади;

объектларни лойиҳалаштириш, қуриш ва реконструкция қилишда, корхоналарни техник ва технологик жиҳатдан қайта жиҳозлашда тегишли гигиеник хулосалар беради;

инсон саломатлиги ва атмосфера ҳавоси учун зарарли физик омиллар орқали таъсир кўрсатувчи объектларнинг рўйхатини ва ҳисобини олиб боради ҳамда назорат олиб боради.

е) лабораториялар фаолиятини йўлга қўйиш соҳасида:

юридик ва жисмоний шахслар томонидан амалдаги СанҚваНга риоя қилиниши бўйича олинган (келтирилган) намуналарда санитария-гигиена, бактериология ва паразитология лаборатория таҳлилларини ўтказди;

ташқи муҳит объектларидаги инсон соғлиғига таъсир қилувчи омиллар бўйича таҳлилдан ўтказди;

бактериологик ва паразитологик касалликларнинг қўзғатувчиларини аниқлаш бўйича таҳлиллар олиб боради.

ж) инсон саломатлигига таъсир этувчи хавфли омилларни бошқариш, тизимли мониторингини олиб бориш ва таҳлил қилишнинг янги шакл ва усулларини амалиётга жорий этиш соҳасида:

инсон саломатлигига таъсир этувчи хавфли омилларни аниқлайди, тизимли мониторингини олиб боришни ташкил қилади ва олиб боради;

ўтказилган мониторинг натижалари таҳлил қилади ҳамда мониторинг шакл ва усулларни амалиётга жорий этади;

з) юқумли ва паразитар касалликлар юзага келиши ва тарқалишининг олдини олишга қаратилган профилактик дезинфекция, дезинсекция, дератизация тадбирлари ўтказилишини ташкил қилиш, мувофиқлаштириш ва назорат қилиш соҳасида:

юқумли ва паразитар касалликлар юзага келишининг олдини олишга ва уларни камайтиришга, улар юқиш йўллари ва омилларига таъсир кўрсатишга ва техноген тусдаги фавқулудда вазиятлар билан боғлиқ бўлган эпидемиологик асоратлар оқибатларини тугатишга қаратилган профилактик ва ўчоқли дезинфекция, дезинсекция, дератизация, эпидемияга қарши тадбирлар ўтказилади.

и) санитария-эпидемиология ва жамоат саломатлигини таъминлаш мақсадида хавф-хатарларни барвақт аниқлашни таъминлаш, баҳолаш ва бартараф этиш учун келиб чиқиши озиқ-овқат билан боғлиқ касалликлар устидан миллий мониторинглар олиб бориш ва мувофиқлаштириш соҳасида:

аҳолининг турли гуруҳлари бўйича овқатланиш меъёр ва кўрсаткичларини баҳолайди, аҳолининг овқатланиш сифати билан боғлиқ бўлган саломатлик ҳолатини ўрганади;

нотўғри овқатланиш билан боғлиқ касалликларнинг олдини олиш тадбирларини ўтказди, аҳолининг соғлом турмуш тарзи бўйича оммавий ахборот воситаларидан фойдаланган ҳолда кенг тарғибот ишларини ўтказди;

тиббиёт муассасалари ва уюшган болалар таълим объектларида рационал овқатланиш ҳолатларини ўрганади;

махаллий ишлаб чиқариладиган ва хориждан келтириладиган озиқ-овқат маҳсулотлари ва озиқ-овқат хом ашёсининг санитария-эпидемиологик хавфсизлигини назорат қилади;

озиқ-овқат маҳсулотлари билан боғлиқ бўлган касалликларни олдини олиш мақсадида озиқ-овқат маҳсулотларини ишлаб чиқиш, сақлаш, ташиш ва савдоси бўйича ўрнатилган тартибда назорат қилади;

оммавий овқатдан заҳарланиш ва озиқ-овқат маҳсулотлари орқали юзага келадиган юқумли касалликларни рўйхатга олиш бўйича электрон маълумотлар юритади, уларни эрта аниқлаш ва хавфларни бартараф этиш чоралари кўради;

тадбиркорлик субъектларига ўрнатилган тартибда “Санитария-эпидемиология осойишталик белгиси”ни беради;

к) ўта хавфли юқумли инфекциялар бўйича эпидемиологик назорат олиб бориш ҳамда профилактик ва эпидемияга қарши комплекс тадбирларини ўтказиш соҳасида:

ўта хавфли юқумли инфекциялар бўйича эпидемиологик назоратини олиб боради;

аҳолини қараётин ва ўта хавфли касалликлар эпидемияларидан муҳофаза қилиш масалалари бўйича белгиланган шакллар ва тартиб асосида назорат олиб боради.

л) турли ижтимоий гуруҳларни қамраб олган ҳолда, соғлом турмуш тарзини шакллантириш учун санитария-гигиена ўқитишни таъминлашга қаратилган чора-тадбирларни ўтказиш соҳасида:

фуқароларни гигиенага оид ўқитиш ва тарбиялаш борасида замонавий ахборот-коммуникация технологияларидан фойдаланишни таъминлайди;

фаолияти озиқ-овқат хом ашёси, озиқ-овқат маҳсулотлари, ичимлик суви ва кимёвий моддаларни ишлаб чиқариш, сақлаш, ташиш ва сотиш, аҳолига маиший ва коммунал хизмат кўрсатиш билан боғлиқ бўлган ходимларни, шунингдек, тиббиёт, таълим ташкилотлари ходимларини ишга қўйишдан олдин ва иш фаолияти давомида тўлов-контракт асосида санитария-гигиена бўйича таълим берилишини амалга оширади;

соғлом турмуш тарзини тарғиб қилиш ва аҳолининг санитария бўйича саводхонлигини ошириш мақсадида махсус материаллар ва дастурлар асосида оммавий ахборот воситаларида чиқишлар ва бошқа тарғибот ишларини ўтказиш.

м) соҳага оид статистик маълумотларни юритиш, тўплаш, таҳлил қилинишига услубий раҳбарлик қилиш, аҳоли саломатлигига салбий таъсир қилувчи омилларни аниқлаш мақсадида зарур текширишлар ва сўровлар ўтказиш соҳасида:

бўлимлар фаолиятга боғлиқ барча статистик маълумотларни тўплайди, умумлаштиради ва таҳлил қилади ҳамда белгиланган муддатларда Бошқармага тақдим этади;

аҳолининг саломатлик ҳолатига салбий таъсир кўрсатувчи омилларни аниқлаш мақсадида зарур текширишлар ва сўровлар ўтказиш.

н) соҳанинг жорий ва келгусидаги эҳтиёжларини ҳисобга олган ҳолда, кадрларни ўқитиш, қайта тайёрлаш ва малакасини оширишни ташкиллаштириш соҳасида:

бўлимларнинг мутахассисларини ўқитиш, қайта тайёрлаш ва малакасини оширишни режалаштиради ва ўрнатилган тартибда ташкиллаштиради;

бўлимларда кадрлар заҳирасини шакллантиради;

санитария-эпидемиология ва жамоат саломатлиги соҳасида қонун ҳужжатларига мувофиқ равишда бошқа вазифаларни ҳам амалга ошириши мумкин.

3-боб. Бўлимнинг ҳуқуқлари ва жавобгарлиги

10. Бўлим ўзига юкланган вазифалар ва функцияларни бажариш учун қуйидаги ҳуқуқларга эгадир:

давлат органлари ва бошқа ташкилотлар фаолиятида санитария-эпидемиология соҳасидаги қонунчилик талабларига риоя этилишини ўрганиш;

давлат органлари ва бошқа ташкилотлар раҳбарларига санитария-эпидемиология соҳасида аниқланган ҳуқуқбузарликлар, уларга имкон берувчи омиллар ва шарт-шароитларни бартараф этиш ҳақида кўриб чиқирилиши мажбурий бўлган тақдимномалар киритиш;

санитария-эпидемиология соҳасидаги қонун ҳужжатларининг бузилишига йўл қўймаслик ҳақида мансабдор шахсларни ёзма равишда огоҳлантириш;

юримдик ва жисмоний шахсларга объектларда йўл қўйилган ҳуқуқбузарликларни бартараф қилиш учун (олтмиш кундан ортиқ бўлмаган муддат ичида) мажбурий бўлган кўрсатмалар бериш;

карантинли ва инсон учун хавфли бўлган бошқа юқумли касалликлар пайдо бўлиши ҳамда тарқалиши шароитида эпидемияга қарши курашиш қоидаларини бузишга оид ҳуқуқбузарлик содир этган шахсларга нисбатан тегишли асосли равишда карантинда сақлаш ёки даволаниш тарзидаги тиббий йўсиндаги мажбурлов чорасини қўллаш;

юқумли ва паразитар касалликлар тарқалишининг олдини олиш мақсадида, хўжалик ва бошқа фаолиятларнинг алоҳида тартибини, аҳоли, транспорт воситалари, юклар ва (ёки) товарлар ҳаракатланишининг чекланишини назарда тутадиган карантин чора-тадбирларини амалга ошириш;

инсон ҳаёти ва саломатлиги учун жиддий хавф туғдирувчи юқумли касалликлар тарқалиши ёхуд техноген ёки табиий хусусиятга эга ҳалокатлар содир бўлишининг реал хавфи вужудга келганда мулкчилик шаклидан қатъий назар объектларда мақсадли текширишлар ўтказиш;

фавқулодда вазиятларда, эпидемиялар ҳамда аҳолининг ҳаёти ва соғлиғи учун бошқа ҳақиқий хавф юзага келганда, оммавий заҳарланиш ва гуруҳли касалликлар қайд этилганда (даволаш муассасаси хабари, жисмоний ва юримдик шахсларнинг мурожаатлари ва бошқа ҳолларда) қонун

ҳужжатларида белгиланган тартибда тадбиркорлик субъектлари фаолиятида текширувлар ўтказиш;

озик-овқат хом ашёси ва истеъмол маҳсулотларини ишлаб чиқариш, ташиш, сақлаш ва сотиш фаолияти устидан инспекцион назорат ўтказиш;

давлат органлари ва мансабдор шахслардан бошқармага юкланган вазифалар ва функцияларни бажариш учун зарур бўлган ҳужжатлар ва ахборотларни, шу жумладан статистик маълумотларни сўраш ва бепул олиш;

ўрнатилган тартибда тасдиқланган рўйхат ва тарифларга мувофиқ пуллик хизматлар кўрсатиш;

ўз ваколати доирасида конференциялар, семинарлар ўтказиш ҳамда бошқа ташкилотлар томонидан ташкил этилаётган шундай тадбирларда иштирок этиш;

санитария-эпидемиология масалалари соҳасида жисмоний ва юридик шахсларнинг мурожаатларини кўриб чиқиш;

санитария-эпидемиология хизматига тааллуқли масалаларни кўриб чиқишда Ҳайъат йиғилишларида иштирок этиш;

бошқарма ходимларини ижтимоий ҳимоя қилиш бўйича тегишли чора-тадбирларни амалга ошириш;

қонун ҳужжатларига мувофиқ бошқа ҳуқуқларга ҳам эга бўлиши мумкин.

11. Бўлим:

санитария-эпидемиология ва жамоат саломатлиги соҳасида давлат сиёсатининг самарали амалга оширилиши;

юкланган вазифалар ва функцияларнинг ўз вақтида ҳамда тўлиқ бажарилиши;

Санитария-эпидемиология хизмати фаолияти билан боғлиқ прогноз кўрсаткичларга эришишни таъминлаш ишларининг ташкил этилиши;

санитария-эпидемиология ва жамоат саломатлиги соҳасини ривожлантириш бўйича ишлаб чиқилган дастурлар, иш режалари, тадбирлар, йўл хариталари ва бошқа дастурий ҳужжатларнинг амалга оширилиши бўйича жавобгар ҳисобланади.

4-боб. Бўлим фаолиятини ташкил этиш

1-§. Бўлимнинг фаолиятини ташкил этиш

12. Бўлимга Бошқарма бошлиғи - Бош давлат санитария врачлари томонидан лавозимга тайинланадиган ва лавозимдан озод қилинадиган Бўлим бошлиғи (бир вақтда Бош давлат санитария врачлари) раҳбарлик қилади.

13. Эпидемиология ва иммунопрофилактика ҳамда санитария-гигиена бўлим мудирлари Бошқарма бошлиғи билан келишилган ҳолда Бўлим бошлиғи томонидан лавозимга тайинланади ва лавозимдан озод этилади.

2-§. Бўлим раҳбарнинг функционал мажбуриятлари

14. Санитария-эпидемиология хизматига юкланган вазифаларга мувофиқ Бўлим раҳбарлари қуйидаги функционал мажбуриятларни бажаради:

а) Бўлим раҳбари:

Ўзбекистон Республикаси Конституцияси ва қонунлари, шунингдек, бошқа норматив-ҳуқуқий ҳужжатлар талабларига риоя этади;

Бўлим мудирларининг фаолият йўналишлари ва участкаларига раҳбарлик қилиш бўйича ваколатларини ва шахсий жавобгарлиги даражасини белгилайди;

ўз ваколатлари доирасида Бўлим учун бажарилиши мажбурий бўлган буйруқлар чиқаради ва кўрсатмалар беради;

белгиланган тартибда ишга қабул қилиш ва бўлим ходимлари билан тузилган меҳнат шартномаларини бекор қилиш ишларини амалга оширади, шунингдек, уларнинг самарали меҳнат қилишлари учун зарур шарт-шароитларни яратади ва кадрлар захирасини шакллантиради;

бошқарма ходимларининг лавозим йўриқномалари тасдиқлайди;

«Жисмоний ва юридик шахсларнинг мурожаатлари тўғрисида»ги Қонунга мувофиқ жисмоний ва юридик шахслардан тушган мурожаатларни ўз вақтида кўриб чиқилишини таъминлайди;

Бўлим ўзининг “Махсус жамғарма”сини (кейинги ўринларда — Жамғарма) ташкил этади ва унинг фаолияти учун жавоб беради;

Бўлинмалар фаолиятини режалаштиради, иш режаларини тасдиқлайди ва уларнинг бажарилиши устидан назоратни таъминлайди;

қонунчиликка мувофиқ бошқа ваколатларни амалга оширади;

б) Эпидемиология ва иммунопрофилактика ҳамда санитария-гигиена бўлим мудирлари:

юкланган вазифаларни бажаришда тегишлилиги бўйича бўлимлар фаолиятини мувофиқлаштиради ва кўрсатмалар беради;

ўзининг бўйсинувидаги бўлинмалар фаолиятига бевосита раҳбарликни амалга оширади;

Бошқарма бошлиғига мавжуд лавозимларга номзодлар киритади;

ўзининг бўйсинувидаги бўлинмалар мутахассисларини рағбатлантириш ёки интизомий жазо чораларини қўллаш тўғрисидаги таклифларни киритади;

3-§. Бўлим раҳбарининг жавобгарлиги

15. Бўлим раҳбари:

ушбу низом ҳамда бошқа қонун ҳужжатлари билан ўзига юкланган вазифаларни сифатли ва ўз вақтида бажарилиши, шунингдек, бошқарма ва бўлимлар ишидаги камчиликларни бартараф этиш бўйича чора-тадбирлар кўрилиши;

амалга оширилаётган дастурлар, стратегиялар ва концепциялар бўйича кутилган натижаларга эришилиши;

жамоа томонидан ижро интизомига тўлиқ риоя этилиши;

тегишли йўналишлар бўйича топшириқларни ўз вақтида ва тўлақонли бажарилиши;

фаолият йўналишлари бўйича юклатилган вазифаларнинг ижросини таъминлаш учун кўрилатган чора-тадбирларнинг самарадорлиги ва натижадорлиги учун жавоб берадилар.

4-§. Бўлимнинг маҳаллий давлат ҳокимияти органлари, бошқа ҳудудий идоралар ва ташкилотлар билан ўзаро ҳамкорлиги

16. Бўлим ўзига юкланган вазифа ва функцияларни бевосита ҳудудий Соғлиқни сақлаш бўлими ва унинг таркибий бўлинмалари билан ҳамкорликда амалга оширади.

17. Бўлим маъмурий ҳудудда содир бўладиган турли эпидемик ва техноген ҳолатларда тегишли чора-тадбирларни амалга оширилишида маҳаллий давлат ҳокимияти органлари, бошқармалар, идоралар ва ташкилотлар билан ўзаро ҳамкорлик қилади.

5-боб. Бўлим фаолиятининг самарадорлиги ва натижадорлигини баҳолаш мезонлари

18. Бўлимларнинг фаолият самарадорлиги ва натижадорлигини баҳолаш якунлари бўйича раҳбар ва ходимларни рағбатлантириш (мукофотлаш) ёки интизомий чоралар қўллаш, аниқланган камчиликларни бартараф этиш чора-тадбирлари кўради.

6-боб. Бўлимни молиялаштириш ва моддий-техника базасини таъминлаш, ходимларнинг меҳнатига ҳақ тўлаш, моддий рағбатлантириш ва ижтимоий ҳимоя қилиш

19. Бўлимни молиялаштириш ва моддий-техник хихатдан таъминлаш, шу жумладан ходимларининг меҳнатига ҳақ тўлаш Давлат бюджети ва қонун ҳужжатларида таъқиқланмаган бошқа манбалар ҳисобига амалга оширилади.

20. Қуйидагилар қўшимча маблағларини шакллантириш манбалари этиб белгиланади:

фаолият тури бўйича товарлар (ишлар, хизматлар) ишлаб чиқариш ва сотишдан;

бюджет ташкилотлари томонидан вақтинча фойдаланилмаётган биноларни ва давлатнинг бошқа мол-мулкни бошқа ташкилотларга ижарага беришдан;

юрidik ва жисмоний шахслар томонидан бюджет ташкилотларига ҳомийлик (беғараз) ёрдами берилишидан қўшимча даромадлар;

қонун ҳужжатлари билан таъқиқланмаган бошқа манбалар ҳисобидан шакллантирилади.

21. Жамғарма маблағларидан қуйидаги мақсадларда фойдаланилади:

Бўлим ходимларини моддий рағбатлантириш ва ижтимоий таъминлаш, шу жумладан уй-жойни ижарага олиш билан боғлиқ харажатларни қоплаш,

шунингдек, ходимларни қайта тайёрлаш ва малакасини оширишни ташкил этишга;

Бўлимнинг фармойиш бериш ва бошқариш функцияларини амалга ошириш билан боғлиқ харажатларини қоплашга;

бўлимнинг моддий-техника базасини мустаҳкамлашга.

22. Бўлим ходимларининг иш ҳақи лавозим маошидан, кўп йил хизмат қилганлиги учун устама ҳақлардан, дам олиш ва байрам кунлари учун тўловлар, бошқа устама, кўшимча ҳақлар ва қонунда назарда тутилган бошқа тўловлардан иборат бўлади.

7-боб. Бўлимнинг ҳисобдорлиги

23. Бўлим тизимли равишда ўзининг фаолияти бўйича Бошқармага ойлик, чораклик ва йиллик ҳисоботлар беради.

24. Бўлим раҳбари ходимларига юкланган вазифаларнинг тўлақонли бажарилиши бўйича уларнинг фаолияти юзасидан мунтазам мониторинг олиб боради ва ҳолисона баҳо беради.

мониторинг ва баҳолаш якунлари бўйича алоҳида ўрнатилган кўрсаткичларни рағбатлантиради ёки йўл қўйилган камчиликлар учун эгаллаб турган лавозимидан озод этишгача бўлган интизомий чоралар қўллади.

8-боб. Якунловчи қоидалар

25. Ушбу низом талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.